



Broj: 02-11-4-1278-7/26
Goražde, 21.05.2026. godine

Na osnovu člana 70. stav 1. i 3. i člana 72. stav 3. tačka c) Zakona o javnim nabavkama ("Službeni glasnik BiH" br.39/14, 59/22, 50/24) u postupku Konkurentskog zahtjeva za dostavljanje ponuda za nabavku usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu, Gradonačelnik Grada Goražda donosi:

O D L U K U

o izboru drugorangiranog ponuđača

u postupku javne nabavke usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu

I

Ovom Odlukom se Ugovor o pružanju usluge izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu dodjeljuje drugorangiranom ponuđaču HKP CONSULTING d.o.o. Banja Luka sa cijenom ponude u iznosu od 9.800,00 KM, bez uračunatog PDV-a.

II

Drugorangirani ponuđač je u skladu sa uslovima iz Tenderske dokumentacije, dužan na adresu Ugovornog organa u roku od 7 dana od dana prijema ove Odluke dostaviti Ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama, a najkasnije do momenta potpisivanja ugovora dostaviti ovlaštenje za izradu investiciono tehničke dokumentacije i stručni nadzor iz oblasti niskogradnje Federalnog ministarstva prostornog uređenja kao i ovlaštenje za obavljanje poslova izrade dokumentacije, na osnovu koje se izdaju vodni akti za složene vodne objekte, propisane u grupi A koje izdaje Federalno ministarstvo poljoprivrede, vodoprivrede i šumarstva

III

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke u skladu sa članom 70. stav 3. Zakona o javnim nabavkama.

IV

Ovom Odlukom stavlja se van snage Odluka o izboru najpovoljnijeg ponuđača broj 02-11-4-1278-5/26 od 29.04.2026. godine kojom se prihvata preporuka Komisije za provođenje postupka javne nabavke usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu, te se Ugovor o pružanju usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goražde dodjeljuje ponuđaču Institut z arhitektura i građevinarstvo „IG” d.o.o. Banja Luka, sa ponudenom cijenom ponude u iznosu od 8.000,00 KM, bez uračunatog PDV-a.

O b r a z l o ž e n j e

Gradonačelnik Grada Goražda je dana 13.04.2026. godine donio Posebnu Odluku o pokretanju postupka javne nabavke usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu, putem postupka Konkurentskog zahtjeva za dostavljanje ponuda, na osnovu koje je dana 14.04.2026. godine, na portalu javnih nabavki objavljeno je Obavještenje o nabavci 413-7-2-21-3-50/26, a sažetak navedenog Obavještenja o nabavci objavljen je u „Službenom glasniku BIH” broj 27/26.

Tenderska dokumentacija za ovu nabavku je objavljena takođe na portalu javnih nabavki i istu je preuzeo 20 zainteresovanih ponuđača, odnosno 13 ponuđača koji su preuzeli izmjene i dopune TD.

Kao krajni rok za dostavljanje ponuda u ovom postupku nabavke je određen 27.04.2026. godine do 11:00 sati.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisnik o otvaranju ponuda od 27.04.2026. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-1278/26 od 23.04.2026. godine sačinila je Zapisnik o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za javnu nabavku usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu dostavljene ponude sljedećih ponuđača:
 - „HKP CONSULTING” d.o.o. Banja Luka sa ponuđenom cijenom u iznosu od 9.800,00 KM, bez PDV-a
 - „SMAJIĆ INŽENJERING“ d.o.o. Goražde sa ponuđenom cijenom u iznosu od 11.870,00 KM, bez PDV-a, uz ponuđeni popust u iznosu od 474,80 KM, na koji način ponuđena cijena sa popustom bez PDV-a iznosi 11.395,20 KM
 - Institut za građevinarstvo „IG“ d.o.o. Banja Luka sa ponuđenom cijenom u iznosu od 8.000,00 KM, bez PDV-a
- da dostavljene ponude ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom
- da je ponuda ponuđača Institut za građevinarstvo „IG“ d.o.o. Banja Luka sa cijenom ponude u iznosu od 8.000,00 KM, bez PDV-a, prema kriteriju „najniža cijena“ ocjenjena kao prihvatljiva i najpovoljnija za Ugovorni organ.

Navedena Komisija za provođenje postupka predmetne javne nabavke predložila je Gradonačelniku Grada Goražda donošenje Odluke o prihvatanju ponude ponuđača Instituta za građevinarstvo „IG“ d.o.o. Banja Luka za nabavku usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu obzirom da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Dana 29.04.2026. godine donesena je Odluka o izboru najpovoljnijeg ponuđača broj 02-11-4-1278-5/26 kojom se prihvata preporuka Komisije za provođenje postupka javne nabavke usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goraždu, a kojom se Ugovor o pružanju usluga izrade investiciono-tehničke dokumentacije idejnog i glavnog projekta rekonstrukcije i izgradnje ulice 43. Drinske brigade u Goražde dodjeljuje ponuđaču Institut za građevinarstvo „IG” d.o.o. Banja Luka, sa ponuđenom cijenom ponude u iznosu od 8.000,00 KM, bez uračunatog PDV-a.

Obavjest o navedenoj Odluci o izboru, ponuđač Institut za građevinarstvo „IG” d.o.o. Banja Luka je zaprimio dana 05.05.2026. godine, prema kojoj je bio u obavezi u roku od 7 dana od dana prijema iste dostaviti dokaze o činjenicama potvrđenim u Izjavi o ispunjenosti uslova iz člana 45. Zakona o javnim nabavkama, ali obzirom da je propustio u ostavljenom roku dostaviti potrebnu dokumentaciju, odlučeno je kao u dispozitivu ove Odluke.

Slijedom navedenog, na osnovu člana 72. stav (3) tačka c) Zakona o javnim nabavkama Ugovorni organ će prijedlog naprijed navedenog Ugovora dostaviti drugorangiranom ponuđaču HKP CONSULTING d.o.o. Banja Luka, kako je i odlučeno u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

DOSTAVITI:

1. Ponuđačima,
2. u spis,
3. a/a



GRADONAČELNIK

ERNEST IMAMOVIĆ

